

page :

N054

條目：

《魔逆經》

內容：

魔逆經 (15)

「若不醉亂又隨律教，已有罪過，自首歸誠而不藏匿，是為善哉；隱蔽殃釁而不發露，則非善哉。」(113 下) 不從魔教：「當得出家而為沙門」(116 中) 存聲聞法善哉不善哉，都約事說，依出家人說 (113 下—114 上) ——繼說非善哉非不善哉，約深義 (114 上一)

「心無所住；曉了諸法亦無處所，心不可獲。曉了諸法、亦不可持，心不知心。心者自然則為清淨，諸法亦然自然清淨，法界清淨得不動轉。」(115 中)

「淨其己心，則能清淨一切人心。曉了本清淨鮮潔無垢，解知塵勞悉(無)瑕疵矣。見諸陰魔患為閑靜，其死魔者住無終始，其天魔者皆除一切倚著之教，一切眾生心淨如是。」(115 下)

本淨 (117 上)

「不當首悔。學於大乘菩薩之士。所以者何？行菩薩者，不見缺漏瑕穢之界；興瞋恚者設懷怨恨，乃當對悔稽首自歸。」(116 中)

「假使有人不懷自大，不復具學出家之福，不畏所行精進之業，若聞此法而懷恐懼，亦不承受，不以如來為聖師矣！」(非佛弟子)(117 下)

大光天子 須深

出處：

「若不醉亂又隨律教，已有罪過，自首歸誠而不藏匿，是為善哉；隱蔽殃釁而不發露，則非善哉。」(113 下)

※參見《佛說魔逆經》卷 1 (CBETA, T15, no. 589, p. 113, c2-p. 114, a11)：

文殊答曰：「菩薩善哉從志願出；諛諂無質，所行放逸，為不善哉。用眾生故，不捨大哀，故曰善哉；若不懷仁，念害眾生，則非善哉。若能愍傷一切眾生，乃為善哉；瞋恚懷結，離于忍辱，為不善哉。若不醉亂又隨律教，已有罪過自首歸誠而不藏匿，則為善哉；隱蔽殃釁而不發露，則非善哉。自見身惡能改除者，則為善哉；假使志求他人瑕闕，則非善哉。若行返復而知恩好，心不懷害，孝順行仁，則為善哉；無有返復，心常懷害，欲危返復，不奉孝順，不知報恩，則非善哉。聞佛道教尋能遵修，乃

為善哉；若聞經典不肯敬順，則非善哉。奉行禁戒，未曾缺漏，乃為善哉；若受於戒，失不順從，則非善哉。常處閑靜，其心寂寞，乃為善哉；設慕憤鬧、自放恣者，則非善哉。在於閑居，捨身壽命而不戀恨，乃為善哉；假使貪愛己身壽命，則非善哉。修四賢聖，止足知節，乃為善哉；不知進退，多所志求，慕樂惡事，則非善哉。為人羸劣、能忍辱者，乃為善哉；若以害心向於眾人，則非善哉。諸所欲度能自節限，則為善哉；為人舒緩，不能謹勅，則非善哉。所可歸命未曾忘捨，乃為善哉；本有所歸遺棄不念，則非善哉。曉了威儀禮節之正，所行至誠，所作如言，心口相應，乃為善哉；欺詐迷惑一切世間，則非善哉。將護正法不違雅典，乃為善哉；誹謗經道，違失正理，則非善哉。假使所聞不謗經典，雖不師受，頒宣道教無所希冀，乃為善哉；愛惜經法自稱為師，若說經法常懷妄想，則非善哉。執權方便開化眾生，乃為善哉；不護眾生，無權方便，不行四恩，則非善哉。若能遵修六度無極、慇懃慕求，乃為善哉；若復棄捐六度無極，則非善哉。造行慧業，自致聖道，乃為善哉；貢高自恣，為憍慢業，則非善哉。行牢強慈，慳傷眾生，乃為善哉；趣爾行慈，所慳不弘，則非善哉。奉行十善，不違大猷，乃為善哉；翫習自恣，行十惡事，則非善哉。若能棄捐一切眾惡，乃為善哉；順從諸惡非法之事，則非善哉。」

不從魔教：「當得出家而為沙門」(116 中)

存聲聞法

※參見《佛說魔逆經》卷 1 (CBETA, T15, no. 589, p. 116, b2-14)：

於時世尊讚魔波旬：「善哉，善哉！快說於斯菩薩魔事！假使有人論此法事，聽省奉行**不從魔教**，其人則逮佛大道法，講說經典，獲致二十事。何謂二十？大慈(一)，大哀(二)，不厭生死(三)，常見善友(四)，所生之處輒遭佛世(五)，得有啟受諸度無極(六)，以諸菩薩用為眷屬(七)，逮得總持(八)，具足辯才(九)，五通之慧(十)，所未遇法而得聞之(十一)，世所生常懷道心(十二)，**當得出家而為沙門**(十三)，致閑不憊(十四)，究竟博聞(十五)，善權智慧(十六)，開化眾生導以四恩(十七)，將護正法(十八)，常行質直而無諛諂(十九)，一切所珍而不愛惜、不懷害心向於眾生(二十)。是為二十，逮得經典，至佛大道。」

善哉不善哉，都約事說，依出家人說 (113 下—114 上)

——繼說非善哉非不善哉，約深義 (114 上一)

※參見《佛說魔逆經》卷 1 (CBETA, T15, no. 589, p. 113, c1-p. 114, a27)：

大光又問：「寧可宣暢**善哉之法、無善哉法**乎？」

文殊答曰：「菩薩善哉從志願出；諛諂無質，所行放逸，為不善哉。用眾生故，不捨大哀，故曰善哉；若不懷仁，念害眾生，則非善哉。若能慳傷一切眾生，乃為善哉；瞋恚懷結，離于忍辱，為不善哉。若不醉亂又隨律教，已有罪過自首歸誠而不藏匿，則為善哉；隱蔽殃釁而不發露，則非善哉。自見身惡能改除者，則為善哉；假使志求他人瑕闕，則非善哉。若行返復而知恩好，心不懷害，孝順行仁，則為善哉；無有返復，心常懷害，欲危返復，不奉孝順，不知報恩，則非善哉。聞佛道教尋能遵修，乃

為善哉；若聞經典不肯敬順，則非善哉。奉行禁戒，未曾缺漏，乃為善哉；若受於戒，失不順從，則非善哉。常處閑靜，其心寂寞，乃為善哉；設慕憤鬧、自放恣者，則非善哉。在於閑居，捨身壽命而不戀恨，乃為善哉；假使貪愛己身壽命，則非善哉。修四賢聖，止足知節，乃為善哉；不知進退，多所志求，慕樂惡事，則非善哉。為人羸劣、能忍辱者，乃為善哉；若以害心向於眾人，則非善哉。諸所欲度能自節限，則為善哉；為人舒緩，不能謹勅，則非善哉。所可歸命未曾忘捨，乃為善哉；本有所歸遺棄不念，則非善哉。曉了威儀禮節之正，所行至誠，所作如言，心口相應，乃為善哉；欺詐迷惑一切世間，則非善哉。將護正法不違雅典，乃為善哉；誹謗經道，違失正理，則非善哉。假使所聞不謗經典，雖不師受，頒宣道教無所希冀，乃為善哉；愛惜經法自稱為師，若說經法常懷妄想，則非善哉。執權方便開化眾生，乃為善哉；不護眾生，無權方便，不行四恩，則非善哉。若能遵修六度無極、慍勤慕求，乃為善哉；若復棄捐六度無極，則非善哉。造行慧業，自致聖道，乃為善哉；貢高自恣，為憍慢業，則非善哉。行牢強慈，慍傷眾生，乃為善哉；趣爾行慈，所慍不弘，則非善哉。奉行十善，不違大猷，乃為善哉；翫習自恣，行十惡事，則非善哉。若能棄捐一切眾惡，乃為善哉；順從諸惡非法之事，則非善哉。

「大光！欲知出家顛倒不順行者，則非善哉；好樂空、無相、無願，具足成就，乃為善哉。強上高床師子之座，而演雜句世間之談，隨俗同塵，則非善哉；若得菩薩篋藏之典修習遵行，昇師子座，頒演道教，乃為善哉。毀於禁戒，受信施食，則非善哉；奉順戒法清淨鮮潔，應服一切供養之利，乃為善哉。貢高自大，憎妬經法，則非善哉；謙下恭順，不懷慢恣，嗟歎人德，乃為善哉。嫉妬菩薩，憎其高行，則非善哉；見諸菩薩敬之如佛，乃為善哉。是為大光！如佛所說，其行法者則為非遠，不至大慧，皆非善哉；其有順從如來教者乃為善哉。」

大光又問：「以何等故讚法善哉？法在**善哉、非善哉**乎？」

文殊答曰：「吾於諸法不行善哉，亦復不行非善哉也。所以者何？一切諸法悉無所合，亦無吾、我。」

「心無所住；曉了諸法亦無處所，心不可獲。曉了諸法、亦不可持，心不知心。心者自然則為清淨，諸法亦然自然清淨，法界清淨得不動轉。」(115 中)

※參見《佛說魔逆經》卷 1 (CBETA, T15, no. 589, p. 115, b21-29)：

波旬答曰：「假使比丘曉了一切，究暢人心及與諸法悉解脫相，宣說諸法悉解脫相；無所依倚所懷來心，亦無所解亦無所懷；心無色欲，見一切色**心無所住；曉了諸法亦無處所，心不可護。曉於諸法、亦不可持，心不知心。心者自然則為清淨，諸法亦然自然清淨，法界清淨得不動轉。**以他因緣現在目前，備六神通、四神足念而自娛樂，比丘如是心乃自在。」

「淨其己心，則能清淨一切人心。曉了本清淨鮮潔無垢，解知塵勞悉(無)瑕疵矣。見諸陰魔患為閑靜，其死魔者住無終始，其天魔者皆除一切倚著之教，一切眾生心淨如是。」(115 下)

※參見《佛說魔逆經》卷 1 (CBETA, T15, no. 589, p. 115, c1-14)：

波旬答曰：「假使比丘見一切法皆度無極，而悉遍見眾心各異，悉無所著。一切所念則無同像，旨分別說，曉了一切音聲、言說、談語、論議如山呼響，觀諸講法亦如幻人，身所識知如水中月。別諸塵勞、思想、眾念所從起立；無受法者亦無捨者，得入三昧。若頒宣法，等獲超度，則以逮知四分別辯才，心無所冀。讚言善哉，不懷狐疑。淨其己心，則能清淨一切人心。曉了本淨鮮潔無垢，解知塵勞悉瑕疵矣。見諸陰魔悉為閑靜，其死魔者住無終始，其天魔者皆除一切倚著之教，一切眾生心淨如是；如是比丘乃為清淨，普見道法演布經典。」

本淨 (117 上)

※參見《佛說魔逆經》卷 1 (CBETA, T15, no. 589, p. 117, a9-10)：

又問：「何謂**本淨**？」

答曰：「於內外法無所著。」

「不當首悔。學於大乘菩薩之士。所以者何？行菩薩者，不見缺漏瑕穢之界；興瞋恚者設懷怨恨，乃當對悔稽首自歸。」(116 中)

※參見《佛說魔逆經》卷 1 (CBETA, T15, no. 589, p. 116, b14-27)：

於是須深天子問魔波旬：「快哉，善利！乃為如來之所嗟歎！」

時魔報曰：「吾身不用快哉、善利！譬如男子鬼神著之，當可所說；計實不是其所語，鬼神所言也。如是仁者！今吾所說，文殊師利之所發動，不當宣傳言是我說！」

天子問曰：「今仁變成為佛身形，不以歡乎？又復相好莊嚴其身，坐師子床講說經法，不以樂耶？」

魔復報曰：「卿等見我相好嚴身，我還自覩枷鎖繫縛。」

天子告曰：「波旬！自歸悔過，伏罪文殊師利。文殊師利威神原赦波旬！」

波旬答曰：「**不當首悔學於大乘菩薩大士。所以者何？行菩薩者，不見缺漏瑕穢之界；興瞋恚者設懷怨恨，乃當對悔稽首自歸。**」

「假使有人不懷自大，不復具學出家之福，不畏所行精進之業，若聞此法而懷恐懼，亦不承受，不以如來為聖師矣！」(非佛弟子)(117 下)

※參見《佛說魔逆經》卷 1 (CBETA, T15, no. 589, p. 117, c25-p. 118, a2)：

於是大光問文殊師利曰：「如今仁者所可講說，吾等觀察義之所歸：**假使有人不懷自大，不復具學出家之福，不畏所行精進之業，若聞此法而懷恐懼，亦不啟受，不以如來為聖師矣！**若有比丘、比丘尼、優婆塞、優婆夷聞是法言而歡喜樂，則當觀之得解脫也！」

大光天子 須深

※參見《佛說魔逆經》(CBETA, T15, no. 589, p. 118, a6-8)：

佛說如是，文殊師利、**大光天子**、一切眾會——天、龍、鬼神、揅沓怛、阿須輪、世間人——聞經歡喜，作禮而退。

《佛說魔逆經》卷 1(CBETA, T15, no. 589, p. 116, a3-6)：

於是諸天眾中有一天子，名曰**須深**，問魔波旬：「文殊師利屬者講說諸魔事業，仁豈堪任重復義理，何謂菩薩之魔事？」